

筆記小說叢書…清

蔣超伯輯

南 滑 樸 語

新文化書社印行

序

著書體例遠典而益歧傳子一書至百二十卷之多卽孔衍所撰述亦百餘萬言之多下至明堂孔穴之圖洛陽宮殿之簿誇多鬪巧蕪陋極矣其間最名博洽者祇張茂先干寶數人已耳南齊王儉因爲七志彙之分經典諸子文翰軍書陰陽術藝圖譜等目梁阮孝緒又爲七錄一經典二記傳三子兵四文集五伎術六佛七道然儉書淺近阮錄不經隋志均力詆之叔起同年今之張司空干常侍也是編乃平日隨筆所綴不名一門其徵引瑰奇類多俗儒未見之籍其證佐精審不爲調人兩可之詞在通齋各種中此其尤勝已抑又聞之叔起之守高也始與將軍壽崑戮劇寇陳金釭而拔其城迨將軍行叔起以計擒斬金釭僞太尉李可中高民歡然如再生如旱極而雨其去也攀號呼戀之聲數十里不輟甫至潮潮人曰此殺陳金釭者也恃君爲長城其豐順境中樟樹凹諸山君悉塹斷之及汪海洋黨棄梅州自小路趨言嶺關賴山徑先斷失道不得出遂乞降其權廣州及提刑也判牘決事細如牛毛寓目輒不忘吏無敢溷君者文學政事叔起蓋兼有之非專壹於咕畢不知權度之輕重短長者余與君同譜卅載又同居相近故知之也詳丹徒李承霖

五十自述

通齋居士

少年通倪世情疎。結習於今一未除。嬾向蠅須營別館。肯從鼠壤覓餘蔬。安心只鍊無求訣。養目慵披有注書。若問半生敷歷狀。略同甌北暨淵如。予曾直樞府曾守廣州與甌北先生同曾任秋曹曾權臬事與淵如先生同夢中歷歷舊巢痕。幾歲簪毫右掖門。藁省趨踰雙鬢禿。弟兄凋喪一身存。虛名速謗曾何益。套語知非且漫論。一事邇來差快意。酒杯新得漢臯尊。

陰陽度數兩俱歧。正是將尋柱下時。孔子行年五十有一而不聞道南之沛訪老聃見莊子護落形骸明鏡笑。陸沈心事稿梧知。尙羞錄錄趨牛後。何忍頻頻逐鷗斯。豈有朱坡狂杜牧。低眉長奉沈傳師。

俯仰千秋胸息中。太倉一米孰雌雄。拈毫偶作鱗鱖賦。開口羞談蠨蝶功。悶極着靴行曠野。狂來操管問虛空。赤松漫以延年待。問舍求田總未工。五祖演云將須彌山作一管筆向虛空作祖師西來意五字

南齊書語目録

羿禹並稱

劉尙

雷擊人

雷亭

高涼

舌箴

播州

金粟牋

金鯉

黨禁

貴梧

吞二周非始皇

學士

楊敬之

張王

樗寮

補心丹

三公

左慈

殷志

里語

來敏

蔣氏顯於吳

青瑯

明人集

唐人多工文者

慶馬

岳王

十八侯

隔

金槌

小將

蟠龍大人

星命

九卿

樂禮逸文

鍾離也

人蟻

伊尹

鹽斌

通家

顯

江永

千文

相駝

張浚

中涓

吳枋

善狀竹梅者

七說

章陸

圭勺

三鉉

方湖

三老

關雎

同年

樛楚

響響

白起

高銓

府署

客傲

沈作喆

連敖

蔣說

曹輔

石佛

游都

手勢

太傅

古人用字有極奇者

- 相心 孝廉 昌黎之詔 二劉 張力臣深於說文之學 高祖乃通稱 詩異文 神巫 關尹子之謬 臣隸 公穀源流 白雉 崔州平 怨 朱鷺 交趾 黃石公 古以荀孟並稱 太微經等書 閻相畫 木槵
- 駟介 苞棣 書伴苞直 賈公彥 旅呂通 三堂 蔡仁盟詞 六枳 游蹟 稽古 魚殮 朱寵 漢律 龜屋 褐 龍王 團營 孟子逸文 六帖 尙異書文 丁裴
- 小棠 支和 十八學士 戴東原汪容甫論大學 黃虔等 十二疾 州黎正 詹何 正交 精習出吟 孟堅深於易 恒子孟姜 督 頭責子羽 須知 浮虛山記 彈子磯 莊子逸文 西銘 蹇驚 木禾
- 焉 大招 古文尙書 大戴禮以王氏儒聞爲當 力攻陳澧 張蒼乃儒相 揚子 殷高宗殺孺子 經書創解 靡 金不從革 崔氏至唐大顯 老子 朱庫 戒石 陳阿平 荀子成相篇 官寺 蔡茲 戎昭 次山集序

樊川集序
沆瀣
碧玳
硯二則
韻趣
堯山
柳州世系
眉山六子
鼻煙
何山
溫子昇
木三則
王仁裕
鄺炎趙岐
古書多淆亂
大鷄
王銍
衡衡
懷素草書
參將
鸞老

口箴
墜形
琺瑯
九客
論畫十則
古籍譌字
琅琊王氏
小兒名入詩
鍾馗
吳羌山
易緯
記荊
仲蒙等書
同姓名者
三蒼
石經
梅聖俞二則
抵雅
顏魯公三則
苻堅母
夢棺

伎
地理四則
洗
九曜石
閨閣工書
張果毛仙
王裴並稱
尺赤通
五言似詩者
樊宗師文
房千里
器玩四條
香山二則
百號將軍
漢晉人五言之似詩者
趙佗
小諫
韋使君
梅妃
王猛墓至今在
寶祐登科記
驪卽釋字
空青
甌瓠
米公獲硯帖
華山碑
韓仲卿
錢氏之盛
頰
鄧魴
甄鸞
寄生
旄窩
包明月
賴恭
雄尙緝撫
三越
錢百爲陌
魯公賓客
葛
清都
奎星

貴宿 孝經 蕃鬣 搏風 南海賢吏 顏頡星 青宮 冠被銘 劉軻 蘇渙 唐時語 五同會 沈作詰語 止足 隋江都郡最大 臬司 試士無關防 關忠義 遼聖宗乃賢主 窮奇 吳起非商鞅比

曾華 筆乘 鵝 造鹽 五將三門 張釜 山川異事 大年四條 辭金誠 謝客慕淨土 痰 方儲 香山禪學甚深 唐時蔣氏 常談 許叔重 神咒 越紐錄 孔劍峯 孫慤 紅棉

記孔子事二則 論孟五條 嵐 造磚 番爲司徒 成語 李倬表 記東坡事二則 鬼遺方 十喻 紀異三則 讀金樓子 醜婦賦 柳玼家賦 少微不專屬處士 鄭介夫 張魴 明人積習 孔顏後 不化骨 棲鳳石

風 柁 漢時語 吹埤 蝠 曲江濤 一命浮圖會 粵嶽三則 漢晉六朝人工於評書 籀龍 四留銘 虎 大帥 蕭氏之盛 衰世稱謂不經 光署錢 闕里 地圓五則 左右荷 伏波射潮 四井堂

歸熙甫

廣成子解

狃陽之銅

安石

康保裔

母邱儉

劉瞻

焦南浦

鞭鋼

簡平儀

孟子多舛誤

藏佛

臺山

蘇綽

遼刑最酷

許文恪公附先公墓表

四星聚

注語似經子者

鰈利最薄

六尺

唐仲友

蜚蜚

禹薦皋陶

六祖

政和九鼎

答韓持國書

金牌請印

十岳

金剛峯

補饗禮

洪北江

天公牋

元世多封號

獨鹿舞歌

古人姓名之可攷者

元末復劓刑

窩引

彌綸儀

叔仲會孔璇

海運志

任彥昇

耳眼銘

豹文鼠

崔冲

徒博喝采

反金人銘

唐世斷屠有定日

蒲墩

勇丁搶掠

星二則

孫退谷

至游子

文人游戲

關林

齊世歌謠

方言

陳東

歧黃之學十六條

陸質齋

玉尺

事始

昌黎不及趙元鎮

何平叔在三賢之列

雙淚

暖酒

四維

論量

晏元獻

書同名者

金毛師子

文人相輕

上宮

孔冲遠

記從祀事二則

樗蒲磬璫

柳虬

閩禺

王右軍誓墓文

聲調譜

文中子之妄

犁鏵

一鼓一發

娶婦可考者

訓注

檀傍 冠履 公孫龍子 腹前臚 南北宋二十四臣 嶺南易亂 團珣 統幕 閱江樓 王直 品茶二則 三佛 鳥鯛 千里路 骨重羊 茶經 祝唐等像 東坡爲鹵簿使 讀淮南子 讀韓非子

石君墓誌 馬范合編 事始 假黃鉞 嵩呼 古婦人有專集者 古人通稱粟 吳與軻 趙士楨 八大家 木櫓子 喬亢陸軌 宗忠簡 龍墮 之獵獮 三魚 品畫四則 臺規 讀鷓冠子 揚子法言

名言 霸史 小語賦 遺葛嬰珮 兄弟均帝姊妹均后者 城隍 于忠肅 橫議 張度 類書 鼻端白 疊超大師 同名者 人飄 毛民 太素脈 鱸 讀管子 讀莊子 尸子

隋秦 楚寶 劉駟駟 器用別名 誌公五言詩 蟻結 英宗忌刻 僧亦非偶 永樂大典 盜殘 五燈會元 畫禪 梵志 巨虵 機器 明人著作多不經 臺吏橫挺 讀荀子 讀列子 穆天子傳

南齊書

清 江都蔣超伯輯

羿禹並稱

淮南子。堯之時。十日並出。焦禾稼。殺草木。而民無所食。摯榆鑿齒九嬰大風封豨修蛇。皆爲民害。堯乃使羿。誅鑿齒于疇華之野。殺九嬰于凶水之上。繳大風于青邱之澤。上射十日。而下殺摯榆。斷修蛇于洞庭。擒封豨于桑林。萬民皆喜。置堯以爲天子。于是天下廣狹險易遠近。始有道里。舜之時。共工振滔洪水以薄空桑。龍門未開。呂梁未發。民皆上丘陵。赴樹木。舜乃使禹。疏三江五湖。關伊闕。導灋澗。平通溝陸。流注東海。洪水漏。九州乾。萬民皆寧其性。是以稱堯舜以爲聖。由是觀之。則羿功與禹相等。此堯時之羿。非有窮后羿也。

左慈

神仙傳。東吳徐璜。有道術。居丹徒。左慈過之。璜門下有賓客車牛六七乘。欺慈云。徐公不在。慈知客欺之。便去。客卽見牛在楊樹杪行。適上樹卽不見。下卽復見行樹上。客報徐公。有一老翁眇目。吾見其不急之人。因欺之云。云公不在。後須臾。牛皆如此。不知何等意。公曰。咄咄。此是左公過我。汝曹那得欺之。又云葛元字孝先。從左元放受九丹金液仙經。章懷於慈傳注。未引此二條。特爲錄出。

鑪龍也

後漢書左慈傳。後操出近郊。士大夫從者百許人。慈乃爲齋酒一升。脯一斤。手自斟酌。百官莫不醉飽。

。操怪之。使尋其故。行視諸鑪。悉忘其酒脯矣。操懷不喜。因坐上欲收殺之。章懷太子承史記相如傳注之誤。云鑪猶肆也。殊不知鑪即竈耳。爾雅釋言煇桂也。註。今之三隅竈。疏。若今之火鑪也。行視諸鑪。謂起視從者所攜一切挂竈。若遠在市肆。豈能頃刻間行視徧耶。

三老

章懷太子後漢書明帝紀注。引孝經。援神契。曰尊事三老。父象也。宋均注。老人知天地之事者。五更老人。知五行更代事者。漢官儀。三老五更。皆取有首妻男女全具者。續漢志。養三老五更。先吉日。司徒上太傅若講師。故三公人名。用其德行年耆高者。三公一人爲三老。次卿一人爲五更。超按永平中充此選者。李躬桓榮。明帝詔曰。三老李躬。年耆學明。五更桓榮。授朕尙書。詩曰。無德不報。無言不酬。其賜榮爵關內侯。食邑五千戶。三老五更。皆以二千石祿養終厥身。建初中充此選者。伏恭馮魴。伏恭傳。建初二年。肅宗行饗禮。以恭爲三老。馮魴傳。建初三年。以老病乞身。肅宗許之。其冬爲五更。此外則袁逢嘗爲三老。見袁安傳。李充年八十八。以爲國三老。安帝嘗特進見。見李充傳。楊統位至光祿大夫。爲國三老。年九十卒。見楊厚傳。士孫瑞爲國三老光祿大夫。每三公缺。楊彪皇甫嵩皆讓位於瑞。見王允傳。與逢充統瑞同時爲五更者。蓋不可考。充僅郎將。似不必定用三公。充曾因婦離間。白母出之。亦不必定有首妻也。三老又稱三德。大戴禮。曾子本孝篇。任善不敢臣三德。慮辯注。三德三老也。

劉尙

後漢書羅援傳。二十四年。武威將軍劉尙。擊武陵五溪蠻夷。深入軍沒。光武帝紀。則云武陵蠻叛。寇掠郡縣。遣劉尙討之。戰于沅水。尙軍敗沒。但其事在二十三年。爲小異耳。尙亦建武中名將。後漢書巴郡蠻傳。建武二十三年。南郡潯山蠻雷遷等。始反叛。寇掠百姓。遣武威將軍劉尙。將萬餘人討破之。

滇王傳云。建武十八年。夷渠帥棟蠶。與姑復槃榆橋棟諸種反叛。殺長吏。益州太守繁勝。與賊而敗。退保朱提。十九年。遣武威將軍劉尚等。發廣漢犍爲蜀郡人及朱提夷。合萬三千人擊之。尙軍遂渡瀘水。入益州界。二十年進兵。與棟蠶等連戰數月。皆破之。明年正月。追至不韋。斬棟蠶帥。凡首虜七千餘人。諸夷悉平。又光武帝紀十九年。越蕩太守任貴謀反。劉尚襲貴誅之。以邛都夷傳致之。緣尙路由越蕩。貴聞之疑。卽聚兵起營臺。招呼諸君長。多釀毒酒。欲以勞軍。因襲擊尙。尙知其謀。卽分兵先據邛都。掩貴誅之。徙其家屬于成都。當時越蕩潭池。皆尙一人戡定。襲斬穀王任貴。其功尤偉。故尙沒而伏波慷慨請行也。任貴邛都夷傳作貴。

段志

與馬伏波同定交南者。有樓船將軍段志。見後漢書南蠻傳與蒙恬同築長城者。有秦將楊翁子。淮南子人間訓秦皇按錄圖見其傳曰亡秦者胡也因發兵五十萬使蒙公楊翁子將築修城高誘注蒙公蒙恬楊翁子亦秦將與李冰同導蜀江者。有王鑿。與大撓同定歷法者。有鬼臾區。大凡駿烈豐功。斷非一手一足所能辦也。與趙雲同列名亞子龍者有征西將軍陳到三國志無傳僅見楊戲輔臣贊

人螭

崔琦外戚箴。甲子昧爽。身首分離。初爲天子。後爲人螭。章懷太子注。甲子日。紂衣其寶衣。赴火而死。武生乃斬以輕呂之劍也。又引左傳杜預注。螭。山神獸形。以比紂之惡。超接螭當作蚩。蓋螭古作離。與蚩字相似而訛。後爲人蚩。謂後爲人所輕侮。廣韻蚩。輕侮也。後漢書。明帝詔自今若有過稱虛譽。尙書皆宜抑而不省。示不爲諂子蚩也。又華嶠書。崔瑗敕妻子曰。無爲諸子所蚩。是其證也。

關雎

謂關雎之詩。意在子刺者。凡二家。韓詩則主應門失守之說。原本緯書後漢書。明帝詔云。昔應門失守。關雎刺世。飛蓬隨風。微子所嘆。章懷太子注。引春秋說題辭曰。人主不正。應門失守。故歌關雎以感之。宋均注曰。應門聽政之處也。言不以政事爲務。則有宣淫之心。關雎樂而不淫。思得賢人與之共化。修應門之政者也。薛君韓詩章句曰。詩人言雎鳩貞潔慎匹。以聲相求。隱蔽于無人之處。故人君退朝。入于私宮。后妃御見有度。應門擊柝。鼓人上堂。退反宴處。體安志明。今時大人內傾于色。賢人見其萌。故詠關雎說淑女正容以刺時。馮衍顯志賦云。美關雎之識微兮。愍王道之將崩。此一說也。魯詩則以爲刺康王晏朝之詩。前漢書杜欽傳云。佩玉晏鳴。關雎嘆之。注。李奇曰。后夫人雞鳴佩玉。去君所。周康王后不然。故詩人嘆而傷之。臣瓚曰。此魯詩也。又後漢書皇后紀序云。故康王晚朝。關雎作諷。宣后晏起。姜氏請愆。注。仍用前書音義。並云見魯詩。此又一說。至張超諫青衣賦云。周漸將衰。康王晏起。畢公喟然。深思古道。感彼關雎。性不雙侶。願得周公。妃以窈窕。防微消漸。諷諭君父。孔氏大之。列冠篇首。則不但以爲刺康王。並定爲畢公作矣。近代談經聚訟臆說橫生如朱謀壻詩故以小星爲管御入直之儀以繕爲崇邱嚴虞博據左氏祭仲有寵於莊公指爲安陵龍陽之流以山有扶蘇之校在當之謂仲離爲卿詩人觀其進身之始陸奎勳謂燕燕爲衛君悼亡之作謂邱中有靡之子國爲鄭武公字其子嘆當作子多爲鄭桓公字謂小明之共人爲二相共和謂戲鐘爲穆王作而淑人爲盛姬請錦以償貢職之妻體季女斯飢似此甚多不可枚舉

雷擊人

郭青螺謂雷之擊人。皆治其宿生之業。此小說中語。非儒者之言也。按京房易傳云。小人不義而反尊榮。則虎食人。辟歷殺人。亦象暴政。見蔡邕傳三事注郎中張文疏語

里語

畫虎不成反類狗。畫龍不成反類狗。皆漢時里語。惠氏補注。于董虎類狗下。引漢律曰。捕虎一。購錢三千。其狗半之。捕豺一。購錢百。爾雅釋獸曰。熊虎醜其子狗也。意謂畫虎類狗之狗爲虎子也。如是

則孔僖傳畫龍不成句。作何解乎。狗爲賤畜。所以鄰房生告崔駰及僖誹謗先帝。惠氏于伏波傳援引漢律。失之泥矣。

伊尹

後漢書馮衍顯志賦。昔伊尹之干湯兮。七十說而乃信。皋陶釣于黿澤兮。賴虞舜而後親。章懷太子注。伊尹名摯。負鼎俎以干湯。七十說而乃信。謂年七十說湯。乃得信也。信音申。韓詩外傳。伊尹故有莘氏僮也。負鼎操俎調五味。而立爲相。又楚詞天問。緣鵠飾玉。后帝是饗。王逸注。后帝謂殷湯。言伊尹始仕。緣烹鵠鳥之羹。修玉鼎。以事于湯。湯賢之。遂以爲相。凡此等說。皆近不經。然尹語云。甘而不餽。肥而不饒。二語精極。千古知味者莫如尹。傳休奕瓜賦食之不餽用尹語也。

同年

三國志吳步騭傳。與廣陵衛旌。同年相善。注引吳錄曰。旌字子旗。官至尙書。其後騭督西陵。條列諸葛瑾陸遜等及衛旌李肅十一人行狀。則旌亦當時名士。廣陵耆舊也。古以同歲生者爲同年。又見周瑜傳注。江表傳權母曰公瑾與伯符同年小一月耳。我視之如子也。

苒亭

錢大昭後漢書補表。苒亭鄉侯蔣澄。建武時封。陽羨西亭侯蔣通。澄之子亦建武時封。大昭孫據咸淳昆陵志。凡江南蔣氏。皆出苒亭。吳時蔣修。名與虞仲翔相亞。孫登臨終疏云。蔣修虞翻。志節分明。見吳主五子傳。楚粵諸蔣。則恭侯之冑也。蜀志恭侯琬傳云。零陵湘鄉人。苒亭侯碑。乃唐大寶中裔孫列建。至宋時。之奇登侍從。之翰守蘇州。又重立焉。自宋以來。吳中之蔣。分爲三派。一居長洲。一居常熟。一居宜興。明季兵興。土寇蜂起。六世祖自常熟來揚。僑寓。以廬家湖東水深土厚。遂定居云。公有隱德。士人愛之名所。

居爲蔣家堰

來敏

裴松之蜀志來敏傳。注引諸葛亮教云。將軍來敏。對上官顯言。新人有何功德。而奪我榮資與之耶。諸人共憎我。何故如是。敏年老狂悖。生此怨言。昔成都初定。議者以爲來敏亂羣。先帝以新定之際。故遂含容。無所禮用。後劉子初選以爲太子家令。先帝不悅而不忍拒也。後主卽位。吾聞于知人。遂復擢爲將軍祭酒。違議者之審見。背先帝所疎外。自謂能以敦厲薄俗。帥之以義。今旣不能。表退職。使閉門思愆。按敏家世三公。長于文學。傳稱其尤精倉雅。善左氏春秋。爲當時耆宿學士。卽或語言不節。何至目爲狂悖。褊哉亮也。所以亮卒而李邕上書。詆爲身仗強兵。狼顧虎視也。其後敏與孟光。壽俱近百。當干戈俶擾之際。而成都二老。九十不衰。可云人瑞矣。

鹽賦

三國時。吳蜀皆資鹽賦。吳有司鹽校尉。見孫休傳永安七年章武亦設是官。蜀志王連傳云。遷司鹽校尉。較鹽鐵之利。利入甚多。有裨國用。迨連遷蜀郡太守。興業將軍。領鹽府如故。利權一而信任專。此蜀之所以能立國乎。其以典戎之官。管牢盆之政。隨地巡緝。盜無所容。尤權時之要策也。晉書以都尉司鹽亦兼武職

桴棼

棟謂之桴。何平叔景福殿賦。雙枚旣修。重桴乃飾是已。又謂之棼。廣韻。棼。複屋棟也。吳志太史慈傳云。嘗從策討麻堡賊。賊于屯裏綠樓上行桴。以手持樓棼。慈引弓射之。矢貫手著棼。圍外萬人。莫不稱善。

高涼

孫吳時。高涼不靖。盜賊數起。三國志陸敬宗傳云。高涼渠帥黃吳等。支黨三千餘家。又鍾離牧傳。注引會稽典錄云。高涼賊帥仍弩等。破略百姓。殘虐吏民。又呂岱傳云。高涼賊帥錢博乞降。岱因承制。以博爲高涼西部都尉。又薛綜疏云。今日交州雖名粗定。尙有高涼宿賊。凡此皆高州郡志所漏而未述者也。

蔣氏顯于吳

三國時。蔣氏之顯于吳者甚多。與虞翻並稱者。有蔣修。與韓當周泰相亞者。有蔣欽。張溫傳中。有蔣康。同陸瑁遊處者。有蔣纂。

通家

魏氏春秋。太傅薨。夏侯元嘆曰。此人猶能以通家年少遇我。子元子上。不吾容也。則漢魏之世。已重通家。

著簪

虞玩之答齊高帝賜新履云。今日之賜。恩華俱重。但著簪弊履。復不可遺。帝善之。簪著二字。本韓詩外傳也。

舌箴

李文饒舌箴。伯陽之戒。柔存剛缺。言貴無瑕。辯貴若訥。勿以緇一言而取卿相。勿以三寸舌而爲帝師。

。徒見婁敬掉而獲爵。不知魏其齷而可悲。嗟爾君子。念茲在茲。馮道詩云。口是禍之門。舌是斬身刀。則俗甚矣。然馮道亦有不可及處。五代史初饒傳。清泰初。馮道出鎮同州。饒時爲副使。道以重臣。穉于接洽。饒忿之。每乘酒于牙門。詬道。道必延入。待以酒醕。致敬而退。道諱左右曰。此人爲不善。自當有報。吾何怒焉。饒後果爲王建立所殺。

青瑠

張半子思元賦。左青瑠以撻芝兮。右素威以司鉦。注。青瑠。青文龍也。撻。豎也。芝。蓋也。佛經稱帝釋摩幢羽蓋。皆有龍王司之。蓋本于此。

獬

史記索隱。解孔子圩頂云。頂上竄也。乃廣韻獬字釋云。孔子頭也。此說不知何本。

白起

平原君曰。澠池之會。臣寄武安君小頭而銳。瞳子白黑分明。視瞻不轉。小頭而銳。敢斷行也。黑白分明。見事明也。視瞻不轉。執志強也。可與持久。難與爭鋒。廉頗足以當之。嚴尤三將敍晉書。稽康謂趙至曰。君頭小而銳。有白起風。本此。

播州

播州楊氏。自唐季據有其地。歷二十九世八百餘年。至明萬歷初。爲總督李化龍所滅。賁應義平越二府。其負隅之久。視晉宋間仇池楊氏。更爲過之。此亦不經見之事已。

明人集

李濟川太守官比部時。寓內城。一舊家藏明人集及明末稗乘頗多。余曾假十數種讀之。內如釋德祥桐